

**TEKS UCAPAN
YANG DIPERTUA MPSP
MAJLIS PENYERAHAN PASU BUNGA KEPADA
SEKOLAH-SEKOLAH
JALAN TODAK 2 & 3, SEBERANG JAYA
6 SEPTEMBER 2015 (AHAD)**

.....

Yang Dihormati Ahli Majlis

Majlis Perbandaran Seberang Perai

Yang Berusaha Tuan Sr Hj Rozali bin Hj Mohamud

Setiausaha Perbandaran Majlis Perbandaran Seberang Perai

Yang Berusaha Encik Tan Teik Huat

Pengurus Besar Kilang Guppy Plastic Industries Sdn Bhd

Yang dihormati Guru-guru

Rakan-rakan Media

Tuan-Tuan, Puan-Puan hadirin yang dihormati sekalian,

Assalamualaikum Warahmatullahi Wabarakatuh dan Salam Sejahtera

Terlebih dahulu saya ingin merakamkan penghargaan dan ucapan terima kasih kepada Encik Tan Teik Huat, Pengurus Besar Kilang Guppy Plastic Industries Sdn Bhd, tuan-tuan dan puan-puan kerana dapat meluangkan masa dan hadir sama ke Majlis Penyerahan Pasu Bunga Kepada Sekolah- Sekolah pada pagi ini.

Untuk makluman tuan-tuan dan puan-puan,

Syarikat Guppy Plastic Industries Sdn Bhd telah menaja pasu bunga bagi Program Pengindahan Bandar sejak 2012 dan sebanyak 3,200 unit pasu telah diedarkan kepada kedai-kedai di Kawasan Perniagaan Teras Jaya, Seberang Jaya, Taman Desa Damai, Taman Bukit Minyak, Taman Bayu Mutiara, Pekan Sungai Bakap dan Pekan Nibong Tebal.

Selain itu, Syarikat Guppy Plastic Industries Sdn Bhd juga telah menaja pasu bunga sejak tahun 2013 kepada sekolah-sekolah di Seberang Perai. Bagi sekolah-sekolah yang mengambil bahagian dalam Anugerah Sekolah Hijau. Syarikat Guppy Plastics telah memberi pasu bunga kepada 86 buah sekolah pada sejak 2013 dan 2014 yang berjumlah 3,210 buah. Jumlah pasu yang telah ditaja oleh Guppy Plastic ialah 6830 pasu. Pokok atau pokok bunga di dalam pasu adalah ditaja oleh Jabatan Landskap MPSP.

Untuk program pada hari ini, Syarikat Guppy Plastic Industries Sdn Bhd menaja sebanyak 420 buah pasu dan 420 pokok bunga ditaja oleh MPSP bunga. Penyerahan pokok dan pasu bunga akan dibuat kepada

31 buah sekolah di SPU dan SPT yang kali pertama menyertai Anugerah Sekolah Hijau tahun ini. Setiap sekolah mendapat 13 pasu yang telah ditanam pokok. Jika dikira sebuah pasu dan pokok bunga berharga sebanyak RM20.00, maka jumlah tajaan ialah RM136,600.00.

Tuan-tuan dan puan-puan sekalian,

Program Anugerah Sekolah Hijau bermula pada tahun 2010 dengan tujuan memberi pendekatan secara holistik bagi pengurusan alam sekitar dan menggalakkan penambahbaikan berterusan. Tumpuan perlu diberi kepada pengurangan sisa-sisa buangan, pemeliharaan sumber dan alam sekitar. Pada tahun 2010, ia hanya disertai oleh 30 buah sekolah sahaja dan pada tahun 2011, sebanyak 36 buah sekolah menyertai program ini. Untuk tahun 2012, angka tersebut telah meningkat kepada 53 buah sekolah dimana ia merangkumi 33 buah sekolah rendah dan 20 buah sekolah menengah. Untuk tahun 2013, sebanyak 84 sekolah menyertai Anugerah Sekolah Hijau. Manakala tahun 2014 meningkat lagi kepada 106 buah sekolah. Bagi tahun 2015 pula, sebanyak 141 buah sekolah iaitu 99 sekolah rendah dan 42 sekolah menengah telah daftar bagi menyertai Anugerah Sekolah Hijau ini di mana penilaiannya akan diadakan pada awal Oktober ini.

Peningkatan ini menunjukkan semakin banyak sekolah yang mulai peka dan mengambil tindakan proaktif untuk memelihara dan memulihara alam sekitar kita. Saya percaya tahap kebersihan di Seberang Perai akan bertambah baik kerana para pelajar bukan sahaja akan mempraktikkan kriteria-kriteria amalan hijau di sekolah tetapi juga dalam kehidupan seharian mereka.

Sambutan yang sangat menggalakkan ini membuatkan Syarikat Guppy Plastic Industries Sdn Bhd untuk terus terlibat dalam program keceriaan sekolah dengan memberi sumbangan pasu bunga kepada peserta-peserta Anugerah Sekolah Hijau. Sekolah-sekolah perlu menjaga pokok yang diberi dengan baik dan markah akan diberikan semasa pengauditan dibuat ke sekolah-sekolah hijau. Penilaian Anugerah Sekolah Hijau merangkumi 10 kriteria iaitu: Amalan 4R, penggunaan sisa makan, penggunaan minyak masak terpakai, bahan pembersih, pengurangan beg plastik, tanam pokok, penjimatan tenaga, penjimatan air, kebersihan kawasan sekolah dan aktiviti lain yang kreatif dan berinovasi.

Tuan-tuan dan puan-puan sekalian,

Sebelum mengakhiri ucapan saya, ucapan terima kasih kepada penaja Encik Tan Teik Huat, Pengurus Besar Kilang Guppy Plastic Industries Sdn Bhd kerana masih bekerjasama dengan MPSP dalam program ini dan saya berharap kerjasama ini akan berterusan untuk tahun-tahun akan datang.

Sekian, Wabillahitaufik Walhidayah Wassalamualaikum Warahmatullahi Wabarakatuh.

Sekian, terima kasih.